

# 28/08/2016

## MATTEUS 5:16 = GETUIG (Laat skyn jou lig / Wees 'n Ligdraer!..)

#SKRIFLESING: Jesaja 8:23-9:1 en Johannes 1:1-13 (4-5,9) en Matteus 5:14-16

#**PREDIKING=INLEIDING**: Maansverduistering is/bly iets spesiaals, nie waar nie? Hoe wêrk dit?.. Son is ligbron, *maan slegs weerkaatsing=reflektêer sonlig*. Oomblik wat aarde tussen son/maan inbeweeg, *gooi aarde skadukol op maan en is die "liggee-effek" v/d maan minder*. Noem dit maansverduistering... *Is daar iets soos Gééstelike verduistering?* Indien wêl, *moet ons praat van Gódsverduistering - of is die woord dalk eerder "ménsverduistering"?*..

+**OORGANG**: Die Woord praat gedurig daarvan dat Jesus die Lig vir die wêreld is - *en dat ons ligdraers moet wees*. Waar het alles begin? Hoe wêrk dit?....

+**EKSEGESE&TOEPASSING**: Reeds op die eerste bladsye v/d Bybel tref ons die kwessie van lig/duisternis=donkerte aan. Trouens, God se 1ste skeppingsdaad was om lig te skep. sodat daar lewe kon begin (**GEN 1:3**). *Terloops, hoekom kón God lig skep? Want Hy is lig en daar is géén duisternis in Hom nie!* (**1 JOH 1:5**)

\*Kort na die skepping sak daar egter weer 'n duisternis/donkerte oor die aarde, dié keer 'n Gééstelike donkerte, die sondeval - die tragiese verhaal van **GEN 3**. Maar omdat God liefde is en die sonde haat, maar die sondaar liefhet, besluit Hy om weer "lig" in die duisternis te bring - Hy besluit om sy Seun te stuur (**JOH 3:16**).

Maar daar moes eers 'n klómp voorbereiding wees. Dáárom dat ons reeds 900 jaar voor Jesus se geboorte 'n voorspelling aan die volk hoor: **JES 8:23a en 9:1,5a** = "Maar in die land waar daar duisternis is, sal daar nie langer donkerte wees nie. Die volk wat in donkerte geleef het, het 'n groot lig gesien; oor die wat in die donker land was, het 'n lig geskyn. Vir ons is 'n Seun gebore, aan ons is 'n Seun gegee..." Dádelik is daar 'n verwagting by die volk - die Messias kom eendag!..

\*En dan, "in die volheid vd tyd/toe die tyd wat God daarvoor bepaal het, aangebreek het" (**GAL 4:4 - OV/NV**) word die HJX, ons Verlosser, gebore! Tréffend is die rol van "lig elemente" by die geboorte v/d Lig: (1) Wanneer die engel v/d Here die geboorte aan die skaapwagters aankondig, "[skyn die] glans v/d heerlijkheid v/d Here rondom hulle" (**LUK 2:9**); (2) die sterrekykers uit die Ooste sien/volg sy stêr (**MATT 2:1 / NUM 24:17**); en (3) met die geboorte van Johannes die Doper ('n paar maande vóór Jesus), profeteer sy pa, Saggaria die volgende oor Jesus wat kom: "Soos die môreson sal Hy opgaan en uit die hoogte op ons afstraal, om lig te bring aan die wat in duisternis [lewe] en wat in die skaduwee v/d dood lewe." (**LUK 1:78b-79a**). Dáárom dan ook dat **JOH 1:4-5, 9** oor Jesus se geboorte praat as die koms v/d Lig na die wêreld.

\*B/S: Hoekom dink julle was Jesus se lewe/bediening so rof/het dit met sóveel lyding gepaardgegaan? Want Satan - die vors van duisternis - háát lig! *Jesus se koms was 'n óórlogsverklaring teen die magte v/d duisternis!* Daarom probeer Satan die Lig déurentyd deur sy eie mense uitdoof (**JOH 1:9-11**). *Dié stryd word fisies geïllustreer*, wanneer daar met Jesus se kruisiging van **12-3nm duisternis oor die aarde kom**. Satan dink hy't gewen, *maar God "skakel die lig weer aan" deur Jesus se woorde "dit is volbring" (JOH 19:30) én deur die krag van sy opstanding (EFES 1:18-20)*.

\*Wat is die implikasie daarvan/bg vir ons vanoggend? (1) *Jesus is die lig vir die wêreld: "Ek is die lig vir die wêreld. Wie My volg, sal nooit in die duisternis lewe nie, maar sal die lig hê wat die lewe gee."* (**JOH 8:12**) (2) *Ons moet óns liggies laat skyn in hierdie donker wêreld!*

*Dan nie omdat ons so vóél nie, maar omdat ons móét - dis 'n opdrag van God-die-Seun sêlf: "Julle is die lig vir die wêreld. Laat julle lig só voor die mense skyn....dat julle Vader verheerlik word."* (MATT 5:14a en16)

*\*Hóé laat 'n mens jou lig skyn, waar kom die lig vandaan? B/S: Ons word nie daarmee gebo-re nie; ons ontváng die liggee-vermoë, wanneer ons die Lig aanvaar. Ons sou ook kon sê ons weerkáúts bloot die Lig. Aanvanklike beeld van maansverduistering toegepas: "Ligdraers" is mense wat "in lyn met die Lig v/d lewe kom/leef". Saam met ál die verwysings na Jesus as lig, word God 3-enig ook in MAL 4:2 as die "son van geregtigheid[OV]/redding" beskryf. Sou dus kon sê: *JX is die Ligkind wat Lig in my lewe bring. Ek/Ons moet Lig gee aan 'n donker/soekende wêreld.**

\*Nou sit hier dalk vanoggend sommige van ons wat wonder: "Maar hóékom súkkel ek so om Ligdraer te wees?" Kom ons noem 3 moontlike redes: (1) Ek is godsdienstig (eerbied vir God, kerklik betrokke), maar ek is nog nie "in lyn" met die Sonkind nie! Anders gestel: Ongered/verlore! B/S,  jy kan nie iets wéés, as jy dit nog nie is nie! Nie iets géé, as jy dit nog nie ont-vang het nie!... (2) Geréd/In lyn - maar die wêreld kom tussen my en God. Beeld: Maansverduistering vind plaas wanneer die aarde/wêreld tussen son/maan kom. Bruid v JX, Ménsverduiste-ring vind plaas wanneer die wêreld (gelade term) tussen my en God/Ligbron kom... Die ma-niér waarop die "wêreld" tussen my/God kom - is dit régtig nodig om te verduidelik?.. Wat bring die HG op dié oomblik in jou Gees op, as rede vir die "donker kol" op jou veronderstelde Lig-gewende lewe? Wees asb éérlik voor God!.. B/S, 1 JOH 1:6-7 = "As ons beweer dat ons aan Hom [God] deel het, en ons lewe in die duisternis, lieg ons en handel ons nie volgens die waarheid nie. Maar as ons in die lig lewe soos Hy in die lig is, het ons met mekaar deel aan dieselfde gemeenskap en reinig die bloed van Jesus, sy Seun, ons van elke sonde." Volwassenes, die wêreld dink intimiteit vind in die donker plaas - maar God sê wáre intimiteit (gemeenskap met Hóm) vind in die Lig plaas! Ons gebruik die donker om ons seerkry, foute, vrese en mislukkings weg te steek. In die Lig bring ons dit egter na waar almal/Hy dit kan sien, erkén ons wie ons wérklik is - en só word ons vergewe/vry!... (3) Persoonlike krisis maak dat ons liggie dalk flou brand. Beeld: Gedeeltelike verduistering. Seerkry, ontugtering, verwerp-ing...Hóékom gebeur dié dinge met Ligdraers? Want duisternis háát lig! Verwys JOH 3:19-21. Praktiese illustrasie: Jongmense by partytjie x donker vertrek. Stap met flits daar in... Ongeag die seer/pyn, onthóu: God laat dit toe, want sy doel met ons is nie net ons vóórspoed nie, maar ons vollédige bevryding! Bly in lyn, sodat jy kan skyn!.. Voel jy weerkaats dalk maar net 40 Watt se lig; maar dis (vir eers) rég - 40 Watt verlig óók die kamer. Dalk net 'n vúúrhoutjie se lig-glans. Dis (vir eers) rég! Onthou, ál die duisternis v/d wêreld kan nie die lig van 1 vuurhou-tjie uitdoof nie!

\*Geliefdes in die HJX: Die donker in hierdie wêreld is verskriklik! Dit storm op ons af, verswelg ons van alle kante; dit het báie name: Armoede, vigs, geweld, oorlogsmisdade, onmenslike wreedheid. Ons kán egter kers vashou in die donker, want "God wat gesê het 'Laat daar lig skyn in die duisternis,' het ook in ons harte 'n lig laat skyn om ons te verlig met die kennis v/d heerlikheid van God, wat van Jesus Christus uitstraal." (2 KOR 4:6)

+**SLOT:** Vemaal van 2 delwers x diamante - réuse vonds! Besluit om tjóépstil te bly, want het besef as hulle daarvoor praat, sal ánder delwers hulle stukkie grond kom omploeg... Na hul búúrdorp vir inkopies. Ná aankope, op pad huistoe, merk hul tot hul ontsteltenis dat ongeveer 100 delwers (mét hul gereedskap) agter hulle aanloop! Vra: "Hoekom volg julle ons?" Antw: "Ons wil saam met julle na die ander diamante gaan soek." Broers sê verbaas: "Maar ons't nie gesê ons't diamante gekry nie?.." Delwers antwoord: "Was nie nodig nie - ons het dit op julle gesigte gesien." "Lighthouses don't ring bells or fire canons - they just brightly shine and warn against dangerous rocks..." Kom ons "verLig" die Rots! (PS 18:3) (...Preke/Gietuig/Mat5v16)